

畿輔通志卷二百五十九

列傳六十七 列女十五

國朝九 昌黎 樂亭

國朝

昌黎縣

吉安郡同知齊士斌繼妻張氏年二十四守節已旌

縣志

進士李雲起妻白氏雲起任黎城令死於難氏年二十守節

已旌

同上

謹案齊士斌妻張氏李雲起妻白氏縣志入

國朝而康熙雍正志均誤入明季茲從縣志更正

廩生高齊斗繼妻李氏年三十夫亡守節已旌

雍正志參縣志

監生魏業懋妻齊氏早寡無子委其業於族人依母家以守

值客兵駐境與民雜處氏懼辱自縊死有司旌之

大清一統志參雍

正志及
府志

謹案魏業懋妻齊氏康熙志誤列入明茲并更正

苟鶴程妻郭氏夫避兵遇盜死守節終身已旌

雍正志
參縣志

庠生張是達妻曹氏夫亡守節已旌

庠生張敬宸妻楊氏年二十二夫亡撫遺孤三十年已旌

齊士敏妻田氏早寡撫子已旌

俱同上

趙萬忠子婦劉氏

夫名失考

年十九寡晝夜哭夫墓潛縊死有司

旌之

大清一統
志參縣志

宋梯雲妻馬氏年十八夫歿祖翁任青陽縣令氏奉侍無缺

立嗣守節卒年六十有七康熙五十二年旌

府志參
雍正志

田生瑞妻馮氏年二十餘夫亡撫遺孤守節三十餘年已旌

雍正志
參縣志

田鵬妻張氏年二十七夫亡撫子克昌入庠守節三十六年
已旌

庠生李位妻常氏年二十六夫亡撫姪紹祖入庠卒年八十
有四已旌

馬用德妻孟氏年十八夫亡撫遺孤守節又劉朝宗妻才氏
年二十九夫亡撫孤孟守節三十餘年才四十六年俱已旌
俱同上

萬斯屬妻張氏年十九夫亡守節又增生邱爾珠妻賀氏夫
亡撫遺腹子守節奉姑四十年張賀俱已旌

府舊志

馮昌熾妻張氏夫病先夫投繯死年二十有二

府新志

邢鳳喈妻劉氏年十九夫亡舅姑勸改適氏刺一目以明志
撫子更新成立娶婦杜氏年二十亦寡與姑同守節

大清一統志

參雍正志
及府志

溫成義妻王氏年二十夫亡自縊

庠生邵璫妻劉氏年二十三夫亡撫子及孫多入庠壽百有

二歲

某妻

夫名姓失考

田氏年十七夫幼孀姑他出鄰有惡少挑之拒

罵不從被擊首碎而死邑人爲起烈女墳

俱同上

周某妻高氏

夫名失考

按察使棠萼孫女也年二十一而寡撫遺

腹子懷清守節至七十一歲疾篤囑孫曰吾聞以節旌者立

木主於節孝祠吾清苦一生俾胥吏從事乞匭棲止受穢多

矣弗願也謹記勿爲言終遂逝

府新志

馬際隆妻蘇氏于歸後翁誤斃一人夫代戍廣西氏泣曰君

桎梏數千里妾何忍獨安且君歸無期此生已矣請以魂爲

伴遂縊

張貞女名素蘭莫各堡人幼讀書通大義精祿命學父哲充社書爲秦某中傷悲憤死妻子相對泣女年十二鳴之大府寃得白誓終身不嫁存年七十有二

劉履泰妻甯氏年二十一夫亡子幼存年五十

譚光楷繼妻田氏年二十于歸逾年殉夫死初氏家貧與孀婦張氏爲婢及嫁逾月夫賈於吉林未幾病歿氏聞訃不食十餘日氣垂絕家人強灌以水不飲而死

某人妻趙氏

夫名失考

東莊坨人夫歿家貧依母家以守里有富

室周姓者失偶知其賢遣媒媼往說氏斥絕之矢志不渝

俱同

上

盛治妻劉氏年十九夫亡撫姪爲嗣守節三十七年康熙五

十二年旌

雍正志參
縣舊志

田發啟妻高氏年十九于歸四載夫故守節又苟毅繼妻郝

氏年二十四夫亡撫孤高郝均於乾隆元年旌

府志參
雍正志

孝廉趙天錫妻曹氏年三十夫亡守節訓子琅成名知府張

旌其門卒年九十有一

府志參
縣志

齊用極妻羅氏年二十三夫亡撫孤成立乾隆十一年旌

馬德眾妻劉氏年二十三夫亡撫遺孤成立乾隆十三年旌

同上

庠生齊澤徧妻孫氏年二十八夫亡守節卒年六十乾隆十

七年旌

縣志

馬瑗妻王氏年二十夫亡撫孤成立又陳愷妻魯氏年二十

夫亡撫遺腹子三十四年王陳均於乾隆十九年旌

府新志

譚五倫妻耿氏年二十四夫亡守節撫子成立長入武庠次

中武舉又郭朝掄妻俞氏年十八夫亡撫繼子又高琚妻周

氏年二十亦寡奉親撫孤耿俞周均於乾隆二十七年旌

同上

閻公鑄妻趙氏年二十五夫亡撫姪爲嗣守節四十六年乾

隆三十二年旌

縣志

齊萬福子婦李氏農家女性端嚴一日萬福乘間戲侮氏正

色拒之萬福持斧斫傷殞命乾隆三十三年旌

府志

增生孟法孔妻錢氏年十九于歸甫五月而夫歿撫嗣子入

庠守節五十餘年乾隆三十六年旌

縣志

齊兆熊妻陳氏年十九夫亡撫遺子泰入庠守節三十餘年

乾隆四十一年旌

同上

劉有德妻靳氏年十八夫亡立嗣年六十餘嘉慶間已旌

府志

志

方任穀妻馮氏臨榆人年十九夫亡撫嗣子成立守節五十

餘年道光七年旌

縣志

趙德妻馮氏有村人曹姓值夫夜出乘間入其室欲逼汚之氏且拒且罵聲震鄰舍曹懼急招斃以滅口有司置囚於法

道光十四年旌

府新志

庠生張輿妻孫氏年二十一夫亡撫姪藝舉人守節六十四年又劉德章妻張氏年二十一夫亡守節終身孫張均於道

光二十八年旌

縣志

張隆本妻梁氏隆本瞽而貧氏曲盡婦道無少怨繼姑爲再醮婦遇氏虐氏處之夷然年二十六夫亡撫四歲遺孤守節

孫入庠卒年八十有二同治二年旌

同上

庠生齊如琦妻曹氏年二十六夫亡撫孤澤濡入泮食餼又貢生張以忠妻趙氏年十八夫亡撫姪成立曹守節四十餘

年趙三十餘年卒

府志參
縣志

張化龍妻李氏年二十夫亡又周文廣妻丁氏年二十文廣卒矢志撫孤李守節四十年丁三十四年卒

縣志

周延助妻李氏年二十三夫亡撫孤成立又曹文質妻劉氏年十九夫亡撫嗣子成立李守節三十四年劉亦苦節終身田種玉妻劉氏年三十夫亡撫遺腹子成立又韓法祖妻龍氏法祖爲文公後裔早亡氏撫子珣舉人琇襲世廕劉守節四十餘年龍並以節終

張于堂妻趙氏年二十四夫亡立嗣撫夫弟于陞成立娶婦張氏逾歲而寡年甫二十撫族子守節事嫂如姑趙張各守

節四十餘年卒

楊廷棧妻焦氏年二十二夫亡張介甫妻任氏年十九夫亡撫遺腹子戴君傑妻劉氏年二十三君傑卒撫二子一中武舉焦卒年七十有二劉卒年八十有四任氏并以節終

李桐妻喬氏年二十三夫亡邵良臣妻李氏年二十四良臣卒撫嗣子成立喬年九十李年七十卒

庠生孫繼武妻趙氏年二十七夫亡守節撫孤入泮又萬璋妻李氏年十六于歸未及三月而寡撫遺腹子守節三十二年卒趙李均邑令表其門

方成魁妻郭氏年二十三夫亡守節學使倪表其門

庠生錢世珍妻周氏年二十六夫亡立嗣卒年八十有二學使徐表其門

任七政妻張氏年二十夫亡守節嗣子拔貢生又唱煦其妻
梁氏年十七夫亡撫遺孤守節

王淑世妻孟氏年十九夫亡翁年近耄爲買妾生二子代撫
養之人稱節孝

李禮妻徐氏年二十三夫亡守節五十餘年李尙敏妻陳氏
年二十五夫亡守節徐陳均學使表其門

劉國章妻馬氏年二十六夫亡撫遺子卒年七十有六又梁
瑁妻王氏年十九夫亡撫姪守節

郭天民妻范氏年二十一夫亡守節學使德表其門

李作梅妻韓氏年十九夫亡守節學使徐表其門

董用妻周氏年二十七夫亡守節撫嗣子成立卒年七十有

六又高密琮妻周氏年二十夫亡立嗣守節三十年

高執中妻周氏年十九夫亡立嗣儒童高理妻王氏年二十

一夫歿守節

俱同上

高宏奏妻劉氏夫病篤自縊時年二十有二

府新志

高天賜妻齊氏年二十五夫亡撫二子長入泮次舉人學使

呂表其門

縣志

張琇妻章氏年二十四夫亡撫子貢生守節三十八年

趙夢麟妻席氏年三十一夫亡撫三子成立卒年九十有三

次子廷輔娶婦郭氏年二十八三子廷傑娶婦高氏年二十

五均夫亡守節郭卒年七十餘

趙興昌妻王氏夫亡守節又盧煥妻朱氏年二十三夫亡撫

嗣子成立王年六十有四朱年七十有二卒

張基妻趙氏年二十五夫亡立嗣李林妻孫氏年十九夫亡

守節終身

宰生高濬妻侯氏年二十三守節撫孤天權入泮知府張表其門

楊作材妻周氏年二十五夫亡母家勸改適氏嚙指以死自誓立嗣守節卒年八十餘

任上達妻劉氏年二十二夫亡守節撫嗣子又楊名實妻王氏年十八夫亡守節立嗣劉王年各六十餘卒

田永嘉妻侯氏年二十七夫亡撫孤成立李尙禮妻耿氏年二十九夫亡守節侯年九十有六耿年七十餘卒

張進德妻趙氏年二十一夫亡傳進功妻李氏年二十三夫亡撫孤成立李紹陶妻劉氏年二十守節撫孤成立趙李年各七十餘劉年五十餘卒

留車通志 卷一百五十九
任汝賢妻楊氏年十九夫亡撫姪守節四十餘年卒

庠生戴琇妻趙氏年二十四琇歿撫孤早卒又撫遺孫成立
卒年七十餘

處士張朝弼妻魏氏年二十五夫亡守節學使德表其門

魏景妻喬氏年二十九夫亡劉連元妻陸氏年二十六撫嗣
守節喬陸年各六十餘卒

處士邵桀妻趙氏年二十二撫嗣子入泮郝大雅妻趙氏年
十七撫遺腹子成立二趙年各六十餘卒

賈平鳳妻許氏年二十四夫亡立嗣卒年六十有五

郭思忠妻苟氏年二十三夫亡龍行雲妻張氏年二十三撫
孤守節苟年六十有三張年七十餘卒

趙梁棟妻邵氏年二十九張起麟妻常氏年十八均夫亡守

節邵年六十餘常年八一餘卒

李廷琳妻費氏年十七于歸甫六月而寡守節養親李雲鴻妻吳氏年二十四夫亡立嗣費吳年各六十餘卒

趙三多妻秦氏年二十七夫亡撫二孤守節孀童楊實妻龐氏年二十夫亡立嗣秦年五十有八龐年五十卒

田寶盈妻趙氏年二十四夫亡守節立嗣年六十有六卒

武童齊熙年妻李氏年二十八夫亡撫孤成立許聖德妻劉氏年十九夫亡撫繼子苦守許懷寶妻張氏年二十一夫亡子幼撫之成立李年八十有八劉年七十有八張年六十有六卒

馬耀先妻馬氏年二十七夫亡守節張學會妻楊氏年二十九夫亡撫孤成立馬君璽妻許氏年二十四夫亡守節馬年

六十有四楊年六十有八許年七十有五卒

馬大魁妻曹氏年二十八夫亡守節廩生張佐麟妻李氏年二十六夫亡撫兩歲孤子泰征成立李成安妻孫氏年二十四夫亡撫姪爲嗣曹年七十孫年七十有八卒李亦以節終張樸妻龍氏年二十四夫亡撫孤成立親族罕見其面年八十卒

曹崇利妻孫氏年二十夫亡撫孤梁廷妻李氏年二十四夫亡撫三歲遺孤孫年六十有九李年六十有六卒

孫烺妻戴氏年二十三夫亡守節劉鍾妻張氏年二十二夫亡撫孤陳宏妻楊氏年二十七夫亡立嗣戴年七十有五張年八十有二楊年九十有一卒

齊于欽妻傅氏年二十一夫亡童生陳桂妻閻氏年二十五

夫亡立嗣張君銀妻楊氏年二十五夫亡立嗣傅年五十有三閭年七十有二楊年七十卒

庠生張騰霄妻張氏早寡孝事翁姑撫二子成立邵池妻蕭氏年二十九邵永漢妻閭氏年三十均夫亡守節張年六十有六蕭年七十閭年七十有一卒

貢生張述枳妻孫氏年二十九夫亡子幼邵深妻蕭氏年二十九夫亡有富室欲聘堅絕之孫年七十有一蕭年七十卒曹養粹妻常氏年二十四曹奔妻任氏年二十四翟炯妻王氏年三十均夫亡無子孝事翁姑常年五十有七任年五十有二王年五十有八卒

庠生杜奎妻蘇氏胡進鳳妻杜氏年二十均夫亡立嗣齊世綸妻賈氏年二十九夫亡撫兩孤成立蘇年六十有六杜年